

3. FADILA BOŠNJAK, poljoprivredni tehničar, član.

Administrativno-tehničke poslove za potrebe Komisije obavljat će NIZANA OBHOĐAŠ.

II.

Prvostepena disciplinska komisija vodi cjelokupan prvostepeni disciplinski postupak za sve namještenike u Ministarstvu privrede i izriče propisane disciplinske kazne.

Komisija je u svom radu dužna pridržavati se odredbi Zakona o namještenicima u organima državne službe u Federaciji Bosne i Hercegovine i odredbi Uredbe o pravilima disciplinskog postupka za disciplinsku odgovornost državnih službenika u

organima državne službe u Federaciji BiH ("Službene novine Federacije BiH", br. 72/04 i 75/09).

III.

Predsjednik i članovi Prvostepene disciplinske komisije imenuju se na period od dvije godine.

IV.

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 07-01-05-21910/11

11. jula 2011. godine

Sarajevo

Ministar

Dr. Rusmir Sendić, s. r.

## OPĆINA CENTAR

### Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo-Prečišćeni tekst ("Službene novine Kantona Sarajevo", broj 23/04), općinski načelnik, 12. jula 2011. godine, verificovao je i donio

### ODLUKU

#### O KOREKCIJI IZMJENE I DOPUNE REGULACIONOG PLANA POSLOVNE ZONE "ŠIP"

##### Član 1.

Utvrđuje se korekcija Izmjene i dopune Regulacionog plana poslovne zone "Šip" ("Službene novine Kantona Sarajevo", broj 2/07), u daljem tekstu: korekcija Plana.

##### Član 2.

Korekcijom Plana utvrđuje se, na građevinskim parcelama k.č. 373/13; 373/14 i 373/17 K.O. Koševo, (planirane parcele br. K 13 i K 15 i planirani pristupni put), gradnja objekata spratnosti od 2S do 2SP2, namjene poslovnih objekti, prikazane na grafičkom prilogu, a u svemu prema:

- Idejnom projektu saobraćaja urađenom od strane projektnog biroa "Argentaria" d.o.o., a prema uputama Ministarstva saobraćaja Kantona Sarajevo;
- Glavnom projektu izgradnje vodovodne mreže, izmještanja separatne kanalizacione mreže i drenaže na lokaciji izgradnje poslovnog objekta K13 Sip-Sarajevo, izrađenom od strane "HP Hidro Projekt" d.o.o. (juli 2010);
- dokaza o vlasništvu na parceli označenoj kao k.č. broj 373/17 KO Koševo (na kojoj je planirana izgradnja rampe), dostavljenom uz dopis Službe za upravu za prostorno uređenje i komunalne poslove Općine Centar Sarajevo br. 07-23-6767/10 od 04.03.2011. godine;

- uslovima iz dopisa Zavoda za planiranje razvoja KS, broj 02-23-1469/11 od 09.03.2011. godine.

##### Član 3.

Korekcija Plana sastoji se iz tekstualnog dijela i grafičkih priloga sa prikazanim parcelama i objektima koji su predmet korekcije.

Tekstualni dio i grafički prilog korekcije Plana su sastavni dio Izmjene i dopune Regulacionog plana Poslovne zone "Šip" ("Službene novine Kantona Sarajevo", broj 2/07).

##### Član 4.

Korekcija Plana je rađena za faze urbanizma i fazu snabdijevanja vodom i odvodnja otpadnih i oborinskih voda, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Izmjene i dopune Regulacionog plana Poslovne zone "Šip" te pribavi saglasnosti nadležnih javnih komunalnih preduzeća.

##### Član 5.

Po jedan primjerak ovjerene korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Gradskoj upravi Grada Sarajeva i i Ministarstvu prostornog uređenja i zaštite okoliša Kantona Sarajevo.

##### Član 6.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 07-23-6767/10

12. jula 2011. godine

Sarajevo

Općinski načelnik  
Dževad Bećirević, s. r.

## OPĆINA ILIJAŠ

### Općinsko vijeće

Na osnovu člana 8. stav 3. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06), člana 55. Statuta općine Ilijaš-Prečišćeni tekst ("Službene novine Kantona Sarajevo", broj 20/09) i člana 99. Poslovnika Općinskog vijeća Ilijaš ("Službene novine Kantona Sarajevo", broj 2/10), Općinsko vijeće Ilijaš, na svojoj redovnoj 35. sjednici održanoj 30. juna 2011. godine, donijelo je

### ODLUKU

#### O DAVANJU SAGLASNOSTI ZA ZAKLJUČENJE ANEXA UGOVORA BROJ 01/2-14-1688/11 OD 17.03.2011. GODINE O ZAKUPU INFRASTRUKTURNIH OBJEKATA "ANTENSKI STUB I KUĆICA" NA KARAŠNICI

##### I.

Ovom Odlukom daje se saglasnost općinskom načelniku da zaključi ANEX Ugovora broj 01/2-14-1688/11 od 17.03.2011. godine o zakupu infrastrukturnih objekata: "Antenski stub" u površini 12m<sup>2</sup> i kućica u površini od 16m<sup>2</sup> sagrađenih na zemljištu označenom kao k.č.br. 82/104 u površini od 240 m<sup>2</sup>